

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum XCIII. Iupiter, Rex Cœlicolûm.

[urn:nbn:de:hbz:466:1-68709](#)

SYMBOLVM XCIII.

Iupiter, Rex Cælicolum,

Ex Variis.

Ethice.

1. Apes symbolum regiæ dignitatis & beneficentiaæ.
2. Simulacrum Jovis, fulmen, aquila, notæ boni Principis.
3. Cur etiam innocentes feriantur fulmine.
4. Aquila Symbolum regium.
5. Clementia regentium.
6. Pseudopoliticæ severitas.
7. Malum Principis exemplum.

OPIS & SATURNI, ut diximus, Jupiter fuit filius, eodem cum Junone partu editus, & à matre, clām marito, commissus Curetibus seu Corybantibus, è Phrygia in Cretam profectis, educatus est in montis antro, cui nomen *Dictæ*, quem montem postea Corybantes, ab appellatione relictæ sedis in Phrygia, etiam *Idam* nominarunt. Erant hi Sacerdotes Cybeles seu Rhea aut Opis, qui spiritu afflati entheo, tumultuosa armorum agitatioque, cum strepitu, fragore, cymbolis, tympanis, tibiis, vociferatione in sacrificiis uti soliti sunt, ut præsentes perterrefacerent, deæque reverentiâ ac metu implerent. Dicti sunt Corybantes à Corybante, Jasonis filio, qui primus ea sacra in Phrygia instituit. *Kούρετες* seu *Curetes* vocabantur, vel *ἀπὸ τῆς οὐραγῆς*, hoc est, à tonsura; anteriorem enim capitis partem detonsam gestabant, ne hostes, eos cæsarie apprehendere & violare religionem possent; vel *ἀπὸ τῆς κουροτζοφίας*, à nutritione pueri, eò quod Jovem aliuisse dicantur. Hi igitur sacrificuli pulsu ac strepitu concrepabant, ne vagitum pueri Jovis exaudiret Saturnus. Ferunt apes secutas sonitum Curetum, advolâsse ad cunas, Jovemque pavisse, uti canit Virgilius 4. Georg.

Nunc age, naturas apibus quas Jupiter ipse
Addidit, expediam, pro qua mercede canoros
Curetum sonitus, crepitantiaque æra secutæ
Dictæ coeli regem pavere sub antro.

In illius præmium nutrificationis, admirabilis est apibus collata in-
doles; extatque ejus beneficij memoria etiam in colore aureo, in quæ
mutavit

mutavit eas Jupiter, cùm priùs essent ferrugineo. Alii referunt, *Amaltheam & Melissam*, Melissi Cretensium regis filias, Jovem puerum lacte & melle nutritissime: unde, cùm adolevisset Jupiter, capræ pelle ad perpetuam rei memoriam scuto suo accommodavit, & ob lactis acceptum beneficium, inter astra *Capram* retulit, scutumque Jovis, & exinde etiam Palladis, *Ægis* à Græcis scriptoribus vocatum est, nam *Æg* capram significat. Hinc Jupiter ipse dictus est *Ægiochus*, id est, habens agida, quam induit & concutit, cùm cœlum tonat omne tumultu;

Et pater omnipotens densa inter nubila telum
Contorquet.

Nutricibus verò præmium officii alterum Capræ cornu donavit, cum adjecta facultate, ut quidquid is optaret, qui illud haberet, sive cibis desideraretur, sive potus, continuo ex eo nasceretur. Cæterum Jupiter ætate proiectior cùm cognovisset, etiam tunc patrem vite sua insidiari, regno eum cœlesti pepulit, Mundique imperium cum fratribus *Neptuno* & *Plutone*, sorte divisit. Ac Jovi quidem cœli & terra, Neptuno Maris, Plutoni inferorum regnum obtigit. Vetus ea de re dichon:

Jupiter astra, fretum Neptunus, tartara Pluto
Regna paterna tenent: tres tria; quisque suum.

Junonem deinde sororem suam Jupiter duxit uxorem, quæ ei *Vulcanum* peperit, de quo inferius. Neque verò Jupiter, regno per vim potitus, insidiatoribus postea caruit: de qua re in Gigantomachia egimus. Nam regna scelere parta, sine metu non possidentur: Et auti postea sunt facere homines, quod exemplo docuit Deus.

Ethica.

I. (a) Apes in ore Jovis infantis mellificantes, sunt Symbolum benignitatis, affabilitatis, beneficentie; quæ virtutes regem, qualis erat futurus Jupiter, comprimis decent. De Josia, Rege Hebræorum longè optimo memorat Ecclesiasticus c. 49. *Memoria Iosæ in compositionem odoris facta, opus pigmentarii: In omni ore quasi mel indulcabitur eius memoria.* Mel etiam sapientiae Symbolum est, de quo Prov. 24. Comede filii mi mel, quia bonum est, & favum dulcissimum gutturi tuo: sic & doctrina sapientiae animæ tuae, quam cùm inveneris, habebis in novissimis spem, & spes tua non peribit. Id est, consequeris ea suo tempore, quorum jam prognostica

(a) Apes symbolum regia dignitatis & beneficentia.

prognostica in infantia præcesserunt. De Platone Val. Max. lib. 1. c. 6. Apes inquit, æternæ felicitatis indices extiterunt, dormientis in cunis parvuli ori mel inferendo. Hieroni quoque, postea Siciliæ Regi, jussu patris exposito, propterea, quod ex ancilla natus esset, apes in os mella ingesserunt. Quod ostentô pater ab aruspiciis admonitus, filium recepit, moribûsque & disciplinis erudiendum curavit, per quas postea ad præmonstratam Regni majestatem facile pervenit. Plin. lib. 11. cap. 5. Apis etenim regiæ dignitatis Symbolum est: nam apum Rex vel aculeo caret, vel eum ad offensionem minimè exerit, præcipua regis virtus clementia. Hinc emblema: Rex apum coronatus inter apes circumvolantes, cum inscriptione: *Majestate tantum.*

II. (b) Simulacrum Jovis olim effingebatur, Rex in throno eburneo sedens, sceptrum sinistrâ, fulmen dextrâ tenens, Gigantes pedibus substernens, juxta Aquilâ, Ganymedem puerum alis sustinente. (c) Quod significatur, supremum coeli regem, æquissimum esse judicem, improbos sententiâ mortis fulminantem, probos ad cælum extollentem. Fulmen, perpetuum Jovis gestamen, ut Pierius loquitur, regiam potentiam & majestatis reverentiam denotat. Quid enim validius ad penetrandum, disipandum, conterendum? Apelles Alexandrum cum fulmine pinxit, ob victorias, famâque celerrimè per ultimas terrarum oras propagatam. Et Scipiadæ dicti sunt fulmina belli, ob militarem fortitudinem. Fulmen per nubes prorumpens, cum lemmate: *vim viribus*, nempe perfringo & repello. *Divum pater, atque hominum Rex*, Jupiter appellatur à Poëtis, qui cuncta supercilium suo movet,

Divosque, mortalesque turbas
Imperio regit unus æquo.

De cuius majestate Maro 10. Æneid.

Tum pater omnipotens, rerum cui summa potestas,
In sit: eo dicente deum domus alta filescit,
Et tremefacta solo tellus; silet arduus æther.
Tum Zephyri posuere, premit placida æquora pontus.

Notandum est illud eiusdem Poëta:

----- Rex Jupiter omnibus idem.

Æquissimus scilicet, & sine partium studio: nullo pauperis & divitis, nobilis & ignobilis discrimine. Pertinet hoc ad sapientiam & justitiam Principis. Id quod Jupiter ostendit in judicio, in quo Venus hinc filia, inde soror & uxor Juno disceptarunt, Æneid. 10. ubi professus est,

Cccc

se

(b) *Simulacrum Iovis.* (c) *Fulmen, aquila.*

se Trojanis, Rutulisque (pro his enim Juno , pro illis stabat Venus) evan-
dem futurum. In eadem controversia Dearum suos Jupiter affectus in-
signiter temperavit ac texit , fecitque , quod de Aenea canit idem Poëta.
Spem vultu simulat.

Tiberius Cæsar , ut Xiphilinus est auctor , dictabat , Principis ani-
mum nemini cognitum esse oportere : qui proinde sic affectus suos oc-
cultò tenebat , ut quæ cupiebat , nunquam ferè diceret , & cum oratione
eius mirè pugnaret voluntas ac desiderium. Detestabatur , quod expe-
tebat maximè ; & quod oderat , dissimulabat. Irascebatur nulla re con-
turbatus : iratus tranquillissimo , æquissimè animo esse putabatur :
Hæc ille. Jupiter certè eti non ignorabat , quæ fata Latinos essent pres-
fura ; ita tamen animi sui sensa dissimulavit , ut nasutissimæ deæ eius con-
silia odorari non possent. Noyerunt hanc artem , quicunque Politici
noverunt.

III. (d) Sed ad fulmina tonantis redeamus , & Senecam audiamus ,
Natural. quæst. lib. 2. c. 42. ac seq. Quid tam imperitum est , inquit ,
quæm credere fulmina Jovem è nubibus mittere , columnas , arbores , sta-
tuas suas nonnunquam petere , ut impunitis sacrilegis , pereussis ovibus ,
incensis aris , pecudes innoxias feriat ; & ad suum concilium à Jove deos ,
quasi parùm in ipso consiliū sit , advocari ? illa lœta & pacata esse fulmina ,
quæ solus excutiat : perniciosa , quibus mittendis major Numinum tur-
ba interfuerit ? Si quæris à me , quid sentiam , non existimo tam he-
betes fuisse , ut crederent Jovem , aut non æquæ voluntatis , aut certè mi-
nus paratum esse. Nam cùm emisit ignes , quibus innoxia capita per-
cuteret , scelerata transiret , utrum putas ? an noluit justius mittere , an
non successit ? Quid ergo secuti sunt , qui hoc dicebant ? Ad coercen-
dos imperitorum animos , sapientissimi viri judicarunt , utile esse , in tan-
ta scelerum audacia , etiam innocentiam metu percelli .

IV. (e) Nunc quid *Aquila* , quæ Jovi arma in gigantes pugnanti
subministravit , unde & armiger ales dicta est , symbolice doceat , expo-
namus. Oculis aquilinis , longissimè aciem porrigitibus , quis nescit
maximam inesse perspicacitatem ? Pertinet hoc ad reges , Principes , ma-
gistratus , oculos ut mentis acriter intendant , & quæ prodeße ac obesse
possint , procul prospiciant. Aquilæ pullos ad solem explorare feruntur ,
& nido deturbare , tanquam degeneres , qui nictantibus cum oculis intu-
entur. Est hic genius altarum mentium : fortes creantur fortibus , nec progi-
gnunt generosæ aquilæ imbellis columbas , nascuntur quidam ad sceptrum ;
alii

(d) *Cur innocentes quoque feriuntur fulmine?* (e) *Aquila Symbolum regium.*

alii ad stivam. Aquilæ, teste Pierio lib. 19. alites sunt, unde regnum auguria dueuntur. Aquila C. Mario consulatum præsignificavit: Octavianus Cæsari panem de manu abstulit, Romanum imperium dedit. Supra Alexandri M. caput placide volitare visa, victoriarum præsiguum fuit. Mentionem aquilæ facit Ezechiel c. 17. *Quæ magnarum alarum & longo membrorum ductu venit ad Libanum, & tulit medullam cedri &c.* scilicet Nabuchodonosor Rex Chaldæorum Proceres & nobilitatem Judæam in captivitatem abduxit Babylonem: Ungues aquilæ rapinam, alæ celeritatem, varietas & copia plumarum numerum & varietatem nationum in exercitu Chaldaico, corporis moles, robur & potentiam significant. Etsmodi Aquila omnibus sæculis quatuor mundi plagas circumvolvunt, & rapinas egerunt. Quales olim Romani fuere, qui pro Symbolo pinxerunt Aquilam fulmini insitentem, ostendentes, Romanum imperium armis partum, armis conservari. Idem ipsorum signa ac vexilla militaria, aquilam præferentia, loquebantur.

V. (f) Sed mitior ceteris Augustus Cæsar, in insignibus Aquilam habuit super quernam coronam inter duas lauros stantem: quod erat profiteri, se imperio, victoriisque ad civium defensionem usurum. Carolus V. & Maximilianus II. Austriacus in Symbolis expresserunt Aquilam fulmini insidentem, cui ramus olivæ additur, cum lemmate: *Temperata durant.* Antoninus Pius, Imperator optimus fulmen in toro seu pulvinari collocavit, in signum clementiæ, cuius fama ante omnia Principi colligenda. Supplicium & acerbitas vel mitissimos animos exasperat; animalium ferocissima blandiendo cicurantur. Philippus Rex Macedonum, cum subactis Græcis quidam autores essent ei, ut civitates præfidiis contineret, ne deficerent: Malo, inquit, diu bonus & commodus, quam brevi tempore severus dominus appellari. Nihil enim violentum est diurnum. Nihil pulchrius, ait Seneca lib. 2. de clem. c. 3. in fastigio collocatis, quam multarum rerum veniam dare, nullius petere. Consonat Ovidius:

Sit piger ad pœnam Princeps, ad præmia velox,
Et doleat, quoties cogitur esse ferox.

Idem alibi:

Si quoties peccant homines, sua fulmina mittat
Jupiter, exiguo tempore inermis erit.

Sapientissimè Hebræus Rex: *Misericordia & veritas custodiunt regem, & roboratur clementia thronus eius.* Prov. 20. Alexander verè Magnus.

Cccc 2 impe-

(f) *Clementia regensium.*

imperium suum hac virtute stabilivit; quæ tanta in eo fuit, ut Darius Persarum Rex manus ad cælum tendens precaretur: *Dii patrii primum mihi stabilitate regnum; deinde, si de me jam transactum est, precor, ne quis potius Asia Rex sit, quam iste tam justus hostis, tam misericors vitor.* Curt. lib. 4. c. 26. Alexandro par Julius Cæsar, rerum potitus, statuas Pompeij dejectas, honorificè reposuit. Tum Cicero, Cæsar, inquit, dum Pompeii statuas reponit, suas stabilit. Plut. in Apophth. Sapienter Sallustius in bello Jugurthino: Non exercitus, neque thesauri præsidia regni sunt, verum amici, quos neque armis cogere, neque auro parare queas; officio ac fide parantur.

VI. (g) Errant ergo Pseudopolitici & Machiavellistæ, quorum hæc sunt principia & axiomata, quæ Principibus instillant: *Subditos preme, ne rebellent: eos tributis agrava, ut eorum paupertate te dites & robores: metu eos opprime: oderint, dum metuant. Eis vires, opes, & animos adime, ut servos tibi facias & mancipes: arcibus urbes doma, ut semper sint sub fulmine.* Vedit meliora, docuitque Seneca, Neronis præceptor, qui ad eundem scribens lib. de Clement. Non est opus, inquit, latera montium abscondere multiplicibus muris, ac turribus sepire: salvum regem clementia in aperto præstabit; crudelitas hostes multiplicat. Obscurus huic monito Nero, initio imperii, cum rei cuiusdam capitis damnati sententiæ subscriendum esset, exclamavit: *Vtinam nescirem litteras!* Felix, si media & ultima primis respondissent. Theodosius Junior rogatus, cur neminem eorum, à quibus lœdebatur, multaret, respondit: *Vtinam liceret mihi & mortuos ad vitam revocare!* Alphonsus Arragonum Rex nimia lenitatis insimulatus, dixit: *Malo multis mea clementia & mansuetudine servare, quam paucos mea severitate perdere.* Egregie hoc, & ad genium Austriacæ gentis, quam in suam potentiam & tot regna laus clementiæ provexit. Malus custos diuturnitatis est metus; benevolentia valet ad perpetuitatem. Qui se volunt metui, necesse est, ut ipsi metuant quam plurimos. Metuatur ergo Jupiter Tonans, Fulminans, Ultor; sed magis colatur & ametur Jupiter Custos, Conservator, Opifex, unde nomen habet, scilicet à juvando.

VII. (h) Sed quid? Jupiter Rex Divum, hominumque, ut libidini serviret, in varias animalium formas abiit. Quis hoc de summo deo vel ausus est credere, vel fingere? Poëta. Senecam audiamus c. 26. de vita beata. Sic vestras hallucinationes (imperitos philosophiz Stoicæ alloquitur) fero, quemadmodum Jupiter Optimus, Maximus in-
eprias

(g) Pseudopoliticus error, nimia severitas. (h) Exemplum malam Principi.

ineptias poëtarum; quorum alias illi alas imposuit, alias cornua: alias adulterum illum induxit & abnoctantem: alias sœvum in deos, alias ini- quum in homines: alias raptorem ingenuorum, corruptorēmque, & co- gnatorum quidem: alias parricidam, & regni alieni, paternique expu- gnatotem. Quibus nihil aliud actum est, quam ut pudor hominibus peccandi demeretur, si tales deos credidissent. Sapienter hæc & verè. Eiusmodi nequam fuit, de quo S. Augustinus lib. 2. de civit. c. 7. Flagi- tiosus adolescens spectabat fabulam pictam in pariete, ubi inerat pictura hæc: Jovem quo pacto Danaës misisse ajunt in gremium, aureum im- brem. Atque ab hac tanta autoritate adhibet patrocinium turpitudini suæ, cum in ea se jactet imitari deum. Describit Nebulonis illius verba

Centius, in Eunicho ita loquentis:

Suspectans tabulam quandam pictam, ubi inerat pictura hæc, Jovem Quo pacto Danaës misisse ajunt quandam in gremium, imbrē aureū. Egomet quoque id spectare cœpi. Et quia consimilem luserat Jam olim ille ludum, impendiō magis animus gaudebat mihi, Deum sese in imbrē convertisse, atque per alienas regulas Venisse, clām per impluvium, fucum factum mulieri.

At quem deum? qui templo cœli summa sonitu concutit:

Ego homuncio hoc non facerem? ego illud verò feci, ac lubens.

En quid exempla possint, etiam afficta magnis auctoribus: habet enim hoc primum magna fortuna, ait in Panegyrico Plinius, quod nihil te- etum, nihil occultum esse patitur: Principum verò non modò domos, sed cubicula ipsa, intimosque secessus recludit, omniāque arcana noscen- da famæ proponit atque explicat. Quò spectat Juvenalis illud:

Omne animi vitium tantò conspectus in se

Esse solet, quanto major, qui peccat, habetur.

Et aliis: Principes nunquam Soli peccant; plurimos trahit exem- plum. Neronis profectò temulentia tantum ad imitationem valuit, ut Roma ex urbe in popinam abiisse videretur. Libido, Heliogabalo auto- re, sic crevit, ut ne Philosophi quidem turpisimis voluptatibus intacti es- sent. Sævitia, Commodo gladiatorem agente, ita in mores hominum manavit, ut ipsæ feminæ gladiatorio cultu, & verò etiam audaciâ, in arenam procederent. Claudianum audi:

Scilicet in vulgus manant exempla Regentum:

Utque Ducum lituos, sic mores Castra sequuntur.

Cccc 3

Cæ-

Cæterum meritò rident Arnobius & Lactantius superstitiones gentium deos, quorum turpissima flagitia ipsorummet cultores promulgant & decantant. Re ipsa discimus ex Jove, in varias sece formas, fœdæ libidini explendæ vertentem, hominem huic vitio deditum, bestiarum affectus & figuræ animo induere. Psaltes regius pronuntiat: *Homo cùm in honore esset (hoc est, dignitate proximè ad Deum accederet) non intellexit (nobilitatem suam) comparatus est jumentis insipientibus, & similis factus est illis. (obbrutuit concupiscentiis obsequendo, & mores belluinos sequendo.) Diceret hominem rectæ rationi obtemperando, & suas cupiditates in officio continendo, quasi quendam in cœlo Jovem esse: quam dignitatem quia brutis libidinibus subjecit, cum Jove in varias turpitudines, hoc est, bestias, & pudenda dedecora abiisse.* Sed de hac transformatione alibi. Satis de Jove; ad Neptunum convertamur.

SYMBOLVM XCIV.

Neptunus, maris Deus,

Ex Variis.

Ethicē.

1. Vigilantia Principis. 2. Fortitudo Principis. 3. Prudentia. 4. Justitia. 5. Severitas cum clementia. 6. Auctoritas. 7. Indulgentia nimia. 8. Prudentia militaris. 9. Sapiens magistrus. 10. Triplex mare, in quo jactamur.

Filius, quod diximus, Saturni & Opis, Jovis frater erat Neptunus, quem cùm parvulum genitor devorare vellet, mater puerum in evili absconditum, opilionibus inter agnos educandum tradidit: ejusque loco pullum equinum fasciis involutum, quem se peperisse simulabat, Saturno deglutiendum obtulit. Hic in orbis totius divisione, maris regnum obtinuit; unde Deus est aquarum; & dicitur quasi *Nantunus*, à nando, ut vult Cicero lib. de nat. deor. Tribuitur ipse sceptri vice *Tridens*, ferramentum tricuspidatum, idque ob tres orbis Terrarum (nam quarta posterius est inventa) partes, quas oceanus ambit.

Vel